



Broj: 09/2-16-8-29556-10/24
Sarajevo, 21. 10. 2024. godine

Na osnovu odredbi člana 70. stav (4) Zakona o javnim nabavkama BiH ("Službeni glasnik BiH", br. 39/14, 59/22 i 50/24), a u vezi sa obavještenjem ponuđača „Zedina“ d.o.o. Doboj Istok, broj: 10-10/2024 od 11.10.2024. godine u postupku nabavke usluga štampanja za potrebe Ministarstva inostranih poslova BiH, **d o n o s i m:**

ODLUKU **o poništenju postupka nabavke**

Poništava se postupak nabavke usluga štampanja za potrebe Ministarstva inostranih poslova BiH, iz razloga odustajanja ponuđača „Zedina“ d.o.o. Doboj Istok, od potpisivanja ugovora o predmetnoj nabavci.

Ova odluka objavit će se na web-stranici www.mvp.gov.ba istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama.

Ova odluka stupa na snagu sa danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

O b r a z l o ž e n j e

Postupak nabavke pokrenut je Odlukom o pokretanju postupka, broj: 09/2-16-8-29556-1/24 od 23.08.2024. godine, u kojoj je predviđeno da procijenjena vrijednost nabavke iznosi 20.000,00 bez PDV-a.

Obavještenje o nabavci objavljeno je na Portalu javnih nabavki dana, 13.09.2024. godine pod brojem: 253-7-2-25-3-48/24 i u „Službenom glasniku BiH“, broj: 63/24 od 20.09.2024. godine.

Javna nabavka je provedena putem konkurentskog zahtjeva za dostavljanje ponuda i istom je predviđeno provođenje e-Aukcije.

Komisija je Zapisnikom o pregledu i ocijeni ponuda u postupku nabavke usluga štampanja za potrebe Ministarstva inostranih poslova BiH, broj: JN1-16-8-29556-7/24 od 25.09.2024. godine konstatovala da su do roka za prijema ponuda, 23.09.2023. godine, pristigle ponude ponuđača „Zedina“ d.o.o. Doboj Istok i „Svjetlost-bh print“ d.o.o. Ilidža, Sarajevo.

Analizom dokumentacije pristiglih ponuda, te suštinskom provjerom sadržaja i validnosti istih, Komisija je utvrdila da je ponuda ponuđača „Zedina“ d.o.o. Doboj Istok ispunjavala formalno-pravne, ekonomske i tehničke uslove tenderske dokumentacije, te je ista bila prihvatljiva i mogla biti predmet vrednovanja shodno kriterijima utvrđenim Obavještenjem o nabavci i tenderskom dokumentacijom, dok ponuda ponuđača „Svjetlost-bh print“ d.o.o. Ilidža, Sarajevo je bila neprihvatljiva, jer je ukupna cijena ponude prelazila procijenjenu vrijednost nabavke, odnosno planirana/osigurana novčana sredstva ugovornog organa za predmetnu nabavku i ista nije mogla biti predmet vrednovanja shodno kriterijima utvrđenim Obavještenjem o nabavci i tenderskom dokumentacijom.

Na osnovu prethodno navedenih konstatacija i preporuke Komisije navedene u Zapisniku broj: JN1-16-8-29556-7/24 od 25.09.2024. godine, ugovorni organ je donio Odluku o izboru najpovoljnijeg ponuđača, broj: 09/2-16-8-29556-8/24 od 30.09.2024. godine, kojom je ponuđaču „Zedina“ d.o.o. Doboj Istok, kao jedinom prihvatljivom ponuđaču, dodjelio ugovor za nabavku usluga štampanja.

Dana, 14.10.2024. godine ugovorni organ je zaprimio obavještenje ponuđača „Zedina“ d.o.o. Doboj Istok, u kome naglašava da odustaje od potpisivanja ugovora, jer u trenutku formiranja cijena ponuda nije u potpunosti ispitao tržište, a da je u međuvremenu došlo do poskupljenja cijena za više od 50%, pa bi zbog navedenih razloga morao poslovati sa gubitkom prema cijenama navedenim u ponudi.

Uzimajući u obzir prethodno navedeno, kao činjenicu da je ponuđač „Zedina“ d.o.o. Doboj Istok, koji je odustao od ponude, jedini ponuđač koji je dostavio ponudu u predmetnom postupku nabavke, odlučeno je kao u dispozitivu Odluke.

Ovom Odlukom stavlja se van snage Odluka o izboru najpovoljnijeg ponuđača, broj: 09/2-16-8-29556-8/24 od 30.09.2024. godine.

Pouka o pravnom lijeku:

Protiv ove Odluke može se izjaviti žalba Kancelariji za razmatranje žalbi, najkasnije u roku od 10 (deset) dana od dana prijema ove Odluke i to u pismenoj formi, u dovoljnom broju primjeraka, a koji ne može biti manji od tri.

DOSTAVITI:

1. Ponuđačima,
2. Odsjek za opšte poslove, arhiv i dokumentaciju i
3. a/a.



MINISTAR

Elmedin Konaković